


Paseo Herencia Walk of Stars



ORANJESTAD (AAN): Paseo Herencia su Walk of stars a revela e prome number, cu ta di e deportista Xander Bogaerts diabierna anochi ultimo. E anochi tabata uno emocionante mirando e cantidad di personan local y turistanan cu a bin pa mira y forma parti di momento special aki.

E atardi a cuminsa cu un momento special na unda Xander

den un setting priva den O restaurant and lounge a dedica tempo na e teamnan di Baseball cu uta pertenece na ABBA di edad 5-6 y 7-8. Cada team a haya e oportunidad pa saca potret cu Xander y haya su firma.

Tabata tin 21 team di Baseball presente di diferente organizacionan di Baseball. Despues di e meet and greet e mes un teamnan a compana Xander pa e plaza Padu na Paseo Herencia, Unda cu John Grande, miembro di hunta directiva di USA baseball y veterano di baseball broadcasting a hiba palabra durante un pabien na Xander pa e bon trabao cu el a haci den e world series.

A hiba palabranan di elogio pa e deportista tambe Señora Valerie Pietersz - Camacho, Gerente General di Paseo Herencia cu a expresa con contento e ta di mira e logronan di Xander Bogaerts.

Minister di Deporte y salubridad público, Dr. Alex Schwengle a sera e anochi bisando palabranan di pabien y tambe sperando cu Xander ta un ehempel pa otro hobennan na Aruba y cu Ministerio di Deporte lo sigui traha duro pa por tin mas "Xanders" na Aruba.

Despues di e discursonan Xander a hiba palabra y a gradici su coachnan cu di chiquito a coach e.

Paseo Herencia Walk of Stars ta un proyecto nobo cu Paseo Herencia a cuminsa cu na unda un commission ta encarga pa revisa y scohe e personan cu lo forma parti di e bunita proyecto aki cu ta duna reconocimiento na individualnan cu ta resalta den nan area.

Paseo Herencia ta invita e comunidad di Aruba en general pa pasa admira e Walk of Stars na Paseo Herencia y pa keda pendiente pa e apertura oficial di e temporada di fin di ana.

